



Inatsisartunut ilaasortaq
Peter Olsen
Inuit Ataqatigiit

§ 37 naapertorlugu apeqqutitut akissutit – Ado Lyngep Atuarfia pillugu

29-08-2018
Suliap normua 2018 - 15645
Allakkat nr. 8379695

Asasara Peter Olsen,

Postboks 1029
3900 Nuuk
Oqarasuaat: +299 34 50 00
Email: ikiin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1:

Ado Lyngep Atuarfia (ALA) Aasianniittoq nutaamik taarserniarneqarpa? Aappiuppat tamanna qaqugu pissava?

Akissut: Ilinniartitaanermut sanaartugassat pillugit suliaraqfimmi pilersaarutit maanna sularineqarput. Taamaattumik sanaartugassatigut pisussat tulleriiaarinissaq siunertaralugu suleqatigiissitat 2018-imi ukiaanerani pilersinneqassapput. Taakkununga Ado Lyngep Atuarfiata sanaartornissaa pillugu pilersaarut ilaassaaq.

Apeqqut 2:

Ado Lyngep Atuarfia nutaaq qanoq naleqassava?

Akissut: Qanoq akeqarnissaa missingissallugu maanna siusippallaarpoq, sanaartornissaanut pilersaarutitalimmik, tassungalu atatillugu B-mik missingiinertalinnik sanaartugassanut siunnersuut pigineqangimmat.

Apeqqut 3:

Piffisami kingullermi ALA nutarterneqarlunilu aserfallatsaaliorneqarsimavoq; nutarterineq aserfallatsaaliunerlu iluatsittumik ingerlasimava?

Akissut: Aserfallatsaaliuineq suli naammassineqangimmat sulilu tunniussisoqarani, suliap qanoq ingerlasimanera inerniliiffigissallugu siusippallaarpoq

Apeqqut 4:

Ikuallattoornermi qimaaffissaasinnaasunik atuarfik majuartarfeqarpa?

Akissut: Inimit allermit qimaaffissaqarpoq.

Apeqqut 5:

ALA-mi Ambulancit akiuutunik eqqussisoqarsinnaava? Akiuutit najugaqartut ineqarfiannut tamanut apuunneqarsinnaappat?

Akissut: Kollegiatoqqamut akiuserluni isertoqarsinnaangilaq.

Apeqquut 6:

Atuarfinni Ado Lyngge-tut ittuni ulloq unnuarlu angerlarsimaffiutigisuni assersuutigalugu atisartaarnissamut isaruartaarnissamulluunniit aningaasartuutaasinnaasunut akisussaaffik sumiippa? Taakkunungalu tapiissuteqartoqarsinnaanerani Naalackersuisut suliniuteqarusuppat?

Akissut: Atuarfiup atuartuisa kommuni angerlarsimaffigisaq soorlu atisanut isarussanullu tapiissutinik qinnuteqaateqarfigisinnaavaat. Atuartut tamarmik innarluutilittut nalunaarsugaammata, isarussanik pisinerminni aningaasartuutaasa matussuserneqartarnerat nalinginnaavoq. Tamarmiunngitsulli atisanik pisinissaminut tapiissutisisarput.

Apeqquut 7:

ALA-mi atuartut naammassigaangata inuiaqatigiit akornanni kaasimaaginnartunngunnginnissaat, inuiaqatigiinnili atorluarneqarnissaat anguniarlugu Naalackersuisut qanoq iliuuseqarniarpat?

Akissut: Meeqat atuarfiinni immikkut atuartitsisarneq aamma allanik immikkut ittunik perorsaaniikkut meeqqat atuarfiini ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersumi § 2, nr. 3-p siunertaasa ilaat, atuartup atuarfimmiit inuiaqatigiinnut, ilinniakkanut inuussutissarsiornermullu sammisamulluunniit allamat ikaarsaariarsinnaanissaa tapersersorneqassasoq aalajangiunneqarpoq.

Apeqquut 8:

ALA illoqarfiup iluani, immikkut ittumik atuartitsisarnerup iluani, ALA qitiusutut ingerlatsiviulersinnaasut Naalackersuisut pilersaaruteqarpat?

Akissut: Naalackersuisut maanna tamatumingga pilersaaruteqanngillat.

Apeqquut 9:

Pisariaqartitsineq naapertorlugu sulisut ilinniarsimassutsimikkullu naleqquttumik ilinniarsimasut naammattut ALA-mi pigineqarpat? Akisussaaffiup kivinnissaanut nukiit pigineqartut naammappat? Naamiuppat qassit amigaatigineqarpat aamma qanoq ilinniagaqarsimasut amigaatigineqarpat?

Akissut: Sulisunik ilinniarsimasunik sulisussarsiorneq nalinginnaasumik ajornakusoorsinnaasarpoq, tamannalu atuarfimmi Ado Lyngep Atuarfiatut ittumi aamma ilaanneerarluni misigineqarsinnaasarpoq.

Inussiarnersumik inuulluaqqusilluta


Vivian Motzfeldt